

Ábyrgðartrygging útgerðarmanns

Skilmáli nr. A-7

Um vátrygginguna gilda vátryggingaskírteinið ásamt áritun og sérskilmálum, skilmálar þessir, almennir skilmálar félagsins nr. AS-1 og ákvæði laga um vátryggingarsamninga nr. 30/2004.

Ákvæði í almennum skilmálum ganga framar ákvæðum þessara skilmála ef ekki er fullt samræmi þar á milli.

Í skilmálanum merkir hugtakið "félagið" Vörð tryggingar hf.

1. kafli. Bótasvið og almennir skilmálar

1. gr. Hverjir eru vátryggðir?

1.1 Vátryggingartaki er vátryggður.

1.2 Vátryggingin gildir um borð í því skipi/bát sem tiltekin er á vátryggingaskírteini eða endurnýjunarkvittun og í beinum tengslum við rekstur þess. Í skilmála þessum merkir hugtakið „skip“ það skip eða bát sem tiltekið er með þessum hætti.

2. gr. Ábyrgð vegna útgerðar

Vátryggingin tekur til skaðabótaábyrgðar, sem fellur á vátryggðan eftir íslenskum réttarreglum og rakin verður til skyndilegs og óvænts atburðar vegna:

- líkamstjórn sem rakið verður til annað hvort gáleysis skipverja í þágu skipsins eða vanbúnaðar skipsins sjálfs eða tækja þess,
- skemmda á munum í eigu annarra aðila en starfsmanna vátryggingartaka eða eiganda afla, farms eða annars sem skipið flytur, ef skemmdir verða af sömu orsökum og greinir í a-lið og tjónsatvikið ber að höndum um borð í skipinu eða á bryggju við hlið skipsins.

3. gr. Samningar um bætur og bótafjárhæð

Vátryggingin tekur ekki til bótaábyrgðar, sem stofnast vegna loforðs frá vátryggðum um að hann beri víðtækari ábyrgð en venjulega skaðabótaskyldu utan samninga. Sama gildir um samning, sem felur í sér loforð um aðrar eða meiri bætur en leiðir af almennum reglum um ákvörðun bóta utan samninga.

4. gr. Undantekningar á bótaskyldu

Vátryggingin bætur ekki:

- Tjón vegna skaðabótaábyrgðar vátryggð sem hann getur vátryggt sig gegn, með venjulegi húftryggingu fyrir hliðstætt skip.
- Tjón á munum sbr. þó b-lið, 2. gr. hér á undan.
- Líkamstjón sem verður við út- eða uppskipun þegar aðrir en áhöfn vinna verkið.
- Útgjöld vegna læknishjálpar, hjúkrunar, ferðakostnaðar eða útfararkostnaðar samkvæmt sjómannalögum
- Eigur skipverja sem glatlast eða skemmast við sjóslys, eldsvoða í skipi eða við annað sjótjón.
- Tjón er leiðir af skaðabótaábyrgð sem fellur á útgerðarmann fiskisks vegna starfsemi í landi, t.d. beitingar, frágangs, meðhöndlun veiðarfæra eða annarra skyldra starfa. Þessa áhættu má vátryggja sérstaklega.
- Endurkröfu frá almannatryggingum.
- Tjón af völdum sprengiefnis eða eldfimra muna sem fluttir eru á annan hátt og/eða í stærri stíl en lög leyfa.
- Tjón sem hlýst af eldsvoða.
- Tjón af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. sýkla og veira.
- Tjón sem beint eða óbeint stafar af efninu asbestos (asbestos) eða efnis sem inniheldur asbestos að einhverju leytti.
- Tjóns sem beint eða óbeint, að öllu leytí eða hluta, stafar af hvers kyns áhrifum tímaskráningar á starfsemi búnaðar, kerfa eða samblands þessa hvoru tveggja.
- Tjóns sem beint eða óbeint, að öllu leytí eða hluta, stafar af umsjón eða ráðgjöf um áhrif tímaskráningar á starfsemi búnaðar, kerfa eða samblands þess hvoru tveggja.
- Tjón sem rekja má til skráningarskyldra ökutækja.

5. gr. Laun í slysaforföllum og bætur úr slysatryggingu

Ábyrgðartrygging þessi og bótaskylda hennar er bundin því skilyrði að vátryggingartaki kaupi atvinnuslysatryggingu á áhöfn skips, sem tengist þessari tryggingu skv. grein 1.2, í samræmi við lög og kjarasamninga. Bætur, sem greiða ber af umsaminni eða lögboðinni atvinnuslysatryggingu, koma að fullu til frádráttar ábyrgðartryggingarbóttum. Sama á við um fjárhæðir, sem greiða hefði átt úr umsaminni eða lögboðinni atvinnuslysatryggingu, sem atvinnurekandi hefur vanrækt að kaupa eða halda í gildi. Laun, sem vátryggðum ber samkvæmt lögum eða kjarasamningi að greiða manni, er verður fyrir slysi eða veikist, koma að fullu til frádráttar bóttum vegna ábyrgðartryggingar þessarar.

6. gr. Laun í slysaforföllum og bætur frá slysatryggingum

Ábyrgðartrygging þessi er bundin því skilyrði, að vátryggingartaki kaupi atvinnuslysatryggingu í samræmi við kjarasamninga og lög. Bætur, sem greiða ber af umsaminni eða lögboðinni atvinnuslysatryggingu, koma að fullu til frádráttar ábyrgðartryggingarbóttum. Sama á við um fjárhæðir, sem greiða hefði átt úr umsaminni eða lögboðinni atvinnuslysatryggingu, sem atvinnurekandi hefur vanrækt að kaupa eða halda í gildi. Laun, sem vátryggðum ber samkvæmt lögum eða kjarasamningi að greiða manni, er verður fyrir slysi eða veikist, koma að fullu til frádráttar

7. gr. Sektir

Félagið greiðir ekki bætur vegna sekta eða annarra refsiviðurlaga.

8. gr. Vátryggingartími

Komi afleiðingar atviks, sem tjón hefur hlotist af og gerst hefur á vátryggingartímanum, ekki í ljós fyrr en vátryggingin er fallin úr gildi, greiðir félagið samt sem áður bætur. Á hinn böginn greiðir félagið ekki bætur fyrir tjón vegna atviks, sem varð, áður en vátryggingartíminn hófst, enda þótt tjónið komi ekki í ljós fyrr en á vátryggingartímanum.

9. gr. Vátryggingarfjárhæð

Hámarks vátryggingarfjárhæð í hverju tjóni er hámark þess höfuðstólskröfу sem félagið ábyrgist. Verði fleiri en eitt tjón af sömu tjónsorsök, teljast þau vera af völdum eins vátryggingaþurðar. Heildarábyrgð félagsins á hverju vátryggingarári takmarkast við einnig við fyrrgreinda vátryggingarfjárhæð.

10. gr. Eigin áhætta

Í hverju tjóni ber vátryggður eigin áhætta sem kemur fram á skírteini eða endurnýjunarkvittun. Nái höfuðstóll bótkröfу ekki lágmarki eigin áhætta greiðir félagið ekki heldur kostnað þótt krafan og kostnaðurinn samanlagt verði hærri en fjárhæð eigin áhætta.

11. gr. Varúðarreglur- áhættuaukning

11.1 Vátryggingartaka og þeim sem samsamast honum ber að fara eftir þeim varúðarreglum sem félagið setur í þessum skilmála eða á vátryggingarskírteini. Misbrestur á því getur leitt til skerðingar eða brottfalls bótaábyrgðar skv. 26. gr. laga nr. 30/2004.

11.2 **Varúðarregla: Vátryggðum er skylt að gæta þess að við störf í skipi séu ekki aðrir en þeir sem til þess hafa lögskilin réttindi.**

11.3 Vátryggður skal tilkynna félaginu allar breytingar á skipi eða útgerð þess sem valdið geta aukinni áhætta. Vanræki vátryggingartaki tilkynningar skyldu sína og verði tjón af völdum hinnar breyttu áhætta lækkar ábyrgð félagsins að tiltölu miðað við þá iðgjaldshækun sem félagið hefði áskilið sér vegna áhættubreytingarinnar.

12. gr. Meðhöndlun skaðabótakröfу

12.1 Jafnskjótt og vátryggingartaki fær vitneskju eða grun um að skaðabótakrafa verði gerð á hendur honum ber honum að tilkynna félaginu það skriflega.

12.2 Sé gerð skaðabótakrafa á hendur hinum vátryggða hefur félagið fyrirsvar vegna þeirrar kröfу og eru heimilar hvers kyns ráðstafanir til þess að meðhöndla kröfuna svo sem viðurkenningu á bótaskyldu, verjast kröfunni eða gera um hana samkomulag enda eru þessar ráðstafanir á kostnað félagsins svo og málskostnaður vegna þeirra.

12.3 Félagið er ekki bundið af því ef vátryggður viðurkennir skaðabótakröfу nema leitt sé í ljós að vátryggður gerði aðeins það sem honum var skylt að lögum er hann greiddi kröfuna eða viðurkenndi réttmæti kröfunar.

13. gr. Útreikningur iðgjalda - endurgreiðsla iðgjalda

13.1 Þegar iðgjaldið reiknast af breytilegum stærðum (svo sem veltu, vinnulaunum, fjölda starfsmanna, véla eða tækja) skal áætla iðgjald í upphafi vátryggingartímabils, en endanlegt iðgjald greiðist við lok þess. Innan eins mánaðar frá lokum vátryggingatímabilsins er vátryggðum skylt að láta félaginu í té allar þær upplýsingar sem það telur nauðsynlegar til endanlegrar ákvörðunar iðgjalda. Berist upplýsingar þessar ekki í tæka tíð, má félagið ákvæða endanlegt iðgjald eins og það telur sanngjarni. Ef endanlegt iðgjald er hærra en bráðabirgðaiðgjald sem reiknað var, ber vátryggingartaka að greiða mismunið innan 14 daga frá því að þess var krafist. Sé endanlegt iðgjald lægra en bráðabirgðaiðgjaldið, ber félaginu að endurgreiða mismunið innan 14 daga, frá því að útreikningur gat farið fram.

14. gr. Samsömun

Félaginu er heimilt að bera fyrir sig að starfsmenn vátryggingartaka hafi brotið gegn ákvæðum vátryggingarinnar skv. 3. mgr. 29. gr. laga nr. 30/2004 um vátryggingarsamninga.

Skilmáli þessi gildir frá 01.01.2019